



www.diarioaruba.com
The way business moves!
DIARIO
Online
 E Matutino di Aruba

Minister Tico Croes ta cuminsa un estudio pa compensacion den beneficianan secundario

ORANJESTAD(AAN) -- Den e deliberacionnan di gobierno y sindicatonan riba indexering ayera, Minister Tico Croes a laga instala un comision cu participacion di sindicatonan mes pa studia e posibilidad pa compensa empleadonan publico cu beneficianan secundario nobo y atractivo.

Un proposicion similar pero dirigi riba reduccion di oranan di trabao so, a bini dilanti for di seno di SEAP den pasado. Awor Minister Tico Croes a habri e posibilidad pa studia uzo di beneficianan secundario den mas profundidad. Minister Tico Croes a pidi pa studia e consecucionan organisatorio, financiero y di servicio pa publico, di un forma di compensa trahadornan cu 'reduccion di oranan di trabao' semanal y cu otro formanan di beneficianan secundario. Posibilidadnan manera dianan di vakansi adicional pero temporalmente, un fondo di spaar y inversion, etc. Especialmente pa e compensacion di e costo di bida cu debe empleadonan publico di pasado, e posibilidadnan diferente aki na paga 'cash' ta interesante.

SECTOR PRIVA

Beneficianan secundario amplio como forma serio pa compensa trahadornan ta algo conoci den hopi pais y den sector priva na Aruba. Pa sector publico tin aspectonan practico cu mester studia. Manera e situacion den enseñansa y den cuida di grandinan, etc. Akinan mester tene

cuenta cu e servicio continuo cu mester sigura. Tambe mester wak e consecucionan organisatorio cu esakinan por trece pa e organisacionnan cu falta personal. Manera polis, brandweer, KIA, scolnan, etc. E comision lo consisti di

miembronan di sindicato y expertonan di finanzas y asuntonan di personal.

E formanan di compensacion nobo aki na prome lugar ta intenciona pa e parti di compensacion di costo di bida cu debe empleadonan publico di

pasado. Esaki ta mas o menos 14 %. Den sector di sindicalismo a yega di papia di e forma di compensacion aki, pero ta solamente den sector priva a pone esakinan den practica. Pa gobierno esaki ta un area nobo y desconoci

Awor minister Tico Croes ta cuminsa cu un estudio cu por habri perspectivanan importante pa futuro. Den e simannan cu ta bin lo haya sa mas di e desaroyo nobo aki den area di beneficianan di personal.

TELEFONNAN
DI DIARIO
826747
FAX
828551